

欽定大清會典事例

欽定大清會典事例卷八百十

刑部

刑律鬪毆 奴婢毆家長

奴婢毆家長○凡奴婢毆家長者

有傷無傷預毆之奴婢不

分首從皆斬殺者

故殺預毆之奴婢不分首從

皆凌遲處死

過失殺者絞

過失監候

傷者杖一百流三千里

不赦

若奴婢毆家長之

卑尊期親及外祖父母者

即無傷亦

絞

監候為從過一等

傷者

預毆之奴婢不問首從重輕

皆斬

過失

殺者減毆罪二等

過失

傷者又減一等故殺者

預

之奴婢

皆凌遲處死毆家長之總麻親

兼內外尊卑但毆即

坐。雖傷亦杖六十徒一年。小功杖七十徒一年半。大

功杖八十徒二年。折傷以上。總麻加毆良人罪

一等。小功加二等。大功加三等。加者加入於死

但絞不斬。一毆死者預毆皆斬。故殺亦皆一傷。各依本法。死者預毆皆斬。新監候。若雇

工人毆家長及家長期親。若外祖父母者。即無

杖一百徒三年。傷者。不問輕重。杖一百流三千里。折

傷者絞。監候死者斬。毆家長斬決。毆家長期親。若外祖父母。斬監候。故殺

者凌遲處死。過失殺傷者。各減本殺傷罪二等。

毆家長之總麻親杖八十。小功杖九十。大功杖

一百。傷重至內損吐血以上。總麻小功加凡人

罪一等。大功加二等。

罪止杖一百。流三千里。

死者各斬。

監候。

若奴婢有罪。

或姦或盜。凡違法罪過皆是。

其家長及家長之

期親若外祖父母不告官司而自毆殺者杖一

百無罪而毆殺

或故殺。

者杖六十徒一年。當房人

口。

指奴婢之夫婦子女。

悉放從良。

奴婢有罪不言折傷篤疾者非至死勿論也。

若家長及家長之期親若外祖父母毆雇工人

不分有罪無罪。

非折傷勿論。至折傷以上減凡人

折傷罪。

三等因而致死者杖一百徒三年。故殺者絞。

監候。

若

奴婢雇工人。

違犯

家長及期親外祖父母。

教令而依法

於屬受。

杖去。

決罰邂逅致死及過失殺者各勿論。

○附律。

例條 一。凡官員將奴婢責打身死者。罰俸二年。故

殺者降二級調用。刃殺者革職。不准折贖。鞭一百。若將族中家僕毆打死者降二級調用。故殺者降三級調用。各追人一口給主。刃殺者革職。不准折贖。鞭一百。毆殺他人奴婢者革職。追人一口給主。故殺者依律絞候。平人將奴僕責打身死者。枷號四十日。故殺者。枷號三月。刃殺者。枷號一百零五日。各鞭一百。毆雇工人致死者。枷號六十日。鞭一百。毆族中家僕致死者。枷號兩月。鞭一百。若將族中家僕故殺者。枷號一百。

零五日鞭一百。刃殺者發黑龍江當差。仍各追

人一口給主。

註案此條雍正五年定。

一。凡旗員將奴婢責

打身死者。罰俸二年。故殺者降二級調用。刃殺者革職。不准折贖。鞭一百。若將族中家僕毆打死者。降二級調用。故殺者降三級調用。各追人一口給主。刃殺者革職。不准折贖。鞭一百。毆殺他人奴婢者。革職。追人一口給主。故殺者依律絞候。平人將奴僕責打身死者。枷號二十日。故殺者枷號一月。刃殺者枷號兩月。各鞭一百。毆雇工人致死者。枷號四十日。鞭一百。毆族中家

僕致死者枷號兩月鞭一百。若將族中家僕故殺者枷號三月鞭一百。刃殺者發黑龍江當差。仍各追人一口給主。其奴僕違犯教令而依法決罰。邂逅致死者。仍依律勿論。謹案此條乾隆五年改定。一。

凡官員將奴婢責打身死者。罰俸二年。故殺者降二級調用。刃殺者革職。不准折贖。杖一百。若將族中奴婢毆打死者。降二級調用。故殺者降三級調用。各追人一口給主。刃殺者革職。不准折贖。杖一百。毆殺他人奴婢者革職。追人一口給主。故殺者依律絞候。旗人將奴婢責打身死

者。枷號二十日。故殺者。枷號一月。刃殺者。枷號
兩月。各鞭一百。毆雇工人致死者。枷號四十日。
鞭一百。毆族中奴婢致死者。枷號兩月。鞭一百。
若將族中奴婢故殺者。枷號三月。鞭一百。刃殺
者。發黑龍江當差。仍各追人一口給主。其奴婢
違犯教令。而依法決罰。邂逅致死者。仍依律勿
論。據蒙古道光十二年因官員皆應約束奴婢。勿
庸區分旗漢。將例首旗員改為官員。旗員之
鞭一百。俱改為杖一百。平人
改為旗人。家僕改為奴婢字。○一。凡八旗官員
平人。將奴僕責打身死及故殺者。仍照例治罪
外。其責打被殺奴僕之父母妻子。情願仍在伊

主家者。聽其存留。不願者。交與該管官處。變價給主。如故意毆殺者。其被殺奴婢之親屬。悉行開放。係旗人。聽其在旗投主。係民人。放出為民。不得追取身價。謹案此條雍正五年定。一。凡八旗官員平

人。將奴婢責打身死及故殺者。除照例治罪外。

其奴僕之父母妻子。情願仍在伊主家者。聽其

存留。不願者。悉行開放。係旗人。聽其在旗投主。

係民人。放出為民。不得追收身價。謹案此條乾隆五年改定。

一。凡旗民官員平人。將奴婢責打身死及故殺者。除照例治罪外。其奴僕之父母妻子。悉行開

放。係旗人。聽其在旗投主。係民人。放出為民。不

得追收身價。

謹案此條係嘉慶六年

諭旨修改。

○

一。凡民人奴僕。背主投營。挾制家主。勒索原契。

及妻子財物。不分首從。得財與未得財。皆斬立

決。若止背主投營。審無挾制勒索者。枷號四十

日。杖一百。交還原主。該營初雖不知。後知而不

舉發者。交該部議處。

謹案此條雍正五年定。嘉慶六年因旗民一體辦理。

刪去民人二字。

○一。凡漢人家生奴僕。印契所買奴僕。

並雍正五年以前白契所買。及投靠養育年久。

或婢女招配生有子息者。俱係家奴。世世子孫。

永遠服役。婚配俱由家主。仍造冊報官存案。其婢女招配並投靠皮所買奴僕俱寫立文契。報明本地方官鈐蓋印信。如有事犯。驗明官冊印契照例治罪。其奴僕誹謗家長並雇工人罵家長與官員平人毆殺奴僕並教令過失殺及毆殺雇工人等款俱有律例。應照滿洲主僕論。若犯該黑龍江當差者。照名例改遣之例問發。至不遵約束。傲慢頑梗。酗酒生事者。照滿洲家人喫酒行兇例面上刺字。流二千里。交與該地方官。令其永遠當苦差。有背主逃匿者。照滿洲家

人逃走例折責四十板。面上刺字。交與本主。仍行存案。容留窩藏者。照窩藏逃人例治罪。如典當雇工限內逃匿者。照滿洲白契所買家人逃走例責三十板。亦交與本主。若典當立有文契。議有年限。不遵約束。傲慢酗酒生事者。聽伊主酌量懲治。若與家長抗拒毆罵者。照律治罪。再隸身門下為長隨者有犯。亦照典當雇工人治罪。

謹案此條雍正五年定。乾隆四十二年。將雍正五年改為十三年。教令上增違犯二字。四

十八年。刪去照滿洲白契所買家人逃走例十二字。一旗人故殺白契所

買並典當之人。俱照故殺雇工人律擬絞監候。

若毆打死者。照律治罪。

謹案此條雍正五年定。乾隆四十二年。將照律

治罪四字。改為仍分別有罪。無罪。照毆死奴婢本律治罪。

一凡白契所買。並

典當家人。如恩養在三年以上。及一年以外。配

有妻室者。即同奴僕論。僮甫經典買。或典買未

及三年。並未配有妻室者。仍分別有罪。無罪。照

毆死雇工人本律治罪。

謹案此條乾隆五十三年改定。

一民人

於雍正十三年以前白契所買家人。照八旗之

例。准作為家奴。永遠服役。僮伊主毆殺故殺。俱

照紅契一例擬斷。其乾隆元年以後。除婢女招

配者。亦照旗人配有妻室。不准贖身之例。作為

家奴外。其餘白契所買之人。俱以白契定擬。謹案

此條乾隆七年定。一白契所買奴婢。如有殺傷家長。及

家長總麻以上親者。均照紅契奴婢一體治罪。

家長殺傷奴婢。仍分紅白契辦理。謹案此條乾隆二十四年

定。一凡官民之家。除典當家人。隸身長隨。仍照

定例治罪外。如係車夫廚役水火夫轎夫。及一

切打雜受雇服役人等。平日起居不敢與共。飲

食不敢與同。並不敢爾我相稱。素有主僕名分

者。無論其有無文契年限。俱以雇工論。若農民

佃戶。雇倩耕種工作之人。並店鋪小郎之類。平

日共坐共食。彼此平等相稱。不為使喚服役。素

無主僕名分者。亦無論其有無丈契年限。俱依

凡人科斷。

按舊此條乾隆五十三年定。

一。凡民人家生奴僕。

印契所買奴僕。並雍正十三年以前白契所買。

及投靠養育年久。或婢女招配。生有子息者。俱

係家奴。世世子孫。永遠服役。婚配俱由家主。仍

造冊報官存案。其婢女招配。並投靠及所買奴

僕。俱寫立文契。報明本地方官。鈐蓋印信。如有

干犯家長。及家長殺傷奴僕。驗明官冊印契。照

奴僕本律治罪。至奴僕不遵約束。傲慢頑梗。酗

酒生事者。照滿洲家人喫酒行兇例。面上刺字。流二千里。交與該地方官。令其永遠當苦差。有背主逃匿者。照滿洲家人逃走例。折責四十板。面上刺字。交與本主。仍行存案。容留窩藏者。照窩藏逃人例治罪。一白契所買奴婢。如有殺傷家長及殺傷家長總麻以上親者。無論年限。及已未配有室家。均照奴婢殺傷家長一體治罪。其家長殺傷白契所買恩養年久。配有室家者。以殺傷奴婢論。若甫經契買。未配室家者。以殺傷雇工人論。至典當家人。隸身長隨。若恩養在

三年以上。或未及三年。配有妻室者。如有殺傷。各依奴婢本律論。僮甫經典買。或典買隸身。未及三年。並未配有妻室。及一切車夫廚役水火夫轎夫打雜受雇服役人等。平日起居不敢與共。飲食不敢與同。並不敢爾我相稱。素有主僕名分。並無典賣字據者。如有殺傷。各依雇工人本律論。若農民佃戶。雇倩耕種工作之人。並店鋪小郎之類。平日共坐共食。彼此平等相稱。不為使喚服役。素無主僕名分者。如有殺傷。各依凡人科斷。至典當雇工人等。議有年限。如限內

逃匿者。責三十板。仍交與本主服役。

謹案嘉慶六年將前

數條併。定此兩條。

○一。凡官員之祖母。母妻毆殺奴婢。

者。照依夫子孫現任品級罰俸。若離任與身故。

者。仍照原品追俸。革職者。照例收贖。故殺者。照

例治罪。

註案此條雍正五年定。乾隆五年查命婦犯罪收贖。名例已載。此條刪。 ○

一。凡監生生員人等。毆殺故殺刀殺奴婢者。俱

黜革。故殺刀殺者。杖一百。不准折贖。

註案此條雍正五年

定。嘉慶六年查。故殺奴婢。應分別有罪無罪。定擬。無論生監平民。一律科罪。此條刪。 ○

一。凡家主將奴僕之妻妾行占奪。或圖姦不遂。

因將奴僕毒毆。或將其妻致死。審明確有實據。

及本主自認不諱者。即將伊主不分官員平人。
發黑龍江當差。如伊主並無姦占情弊。而奴僕
誣陷其主者。仍照干名犯義律從重治罪。謹案此條

乾隆三年定。

一。凡家主將紅契所買奴婢。及白契典

買恩養已久。奴僕之妻。妄行占奪。或圖姦不遂。
因將奴僕毒毆致死。或將其妻致死。審明確有
實據。及本主自認不諱者。即將伊主不分官員
平人。發黑龍江當差。若所毆奴婢。係白契所買
恩養未久者。應照故殺雇工人律擬絞監候。如
伊主並無姦占情弊。而奴僕誣陷其主者。仍照

于名犯義律治罪。

謹案此條嘉慶六年修改。

○一。契買婢女。

務照價買家人例。旗人將文契呈明該管佐領先用圖記。自赴稅課司驗印。民人將文契報明本地方官鈐蓋印信。至旗人契買民間婢女在京具報五城大宛兩縣。在外具報該地方官用印立案。儻有情願用白契價買者。仍從其便。但遇毆殺故殺。問刑衙門須驗紅契白契分別科斷。再旗民所買婢女。已經配給紅契家奴者。准照紅契辦理。

謹案此條乾隆七年定。

○一。除典當家人及

隸身長隨。俱照定例治罪外。其雇倩工作之人。

若立有文契年限及雖無文契而議有年限或計工受值已閱五年以上者於家長有犯均依雇工人定擬其隨時短雇受值無多者仍同凡論

謹案此條乾隆二十四年定。

一凡官民之家除典當家人

隸身長隨及立有文契年限之雇工仍照例定擬外其餘雇工雖無文契而議有年限或不立年限而有主僕名分者如受雇在一年以內或有尋常干犯照良賤加等律再加一等治罪若受雇在一年以上者即依雇工人定擬其犯姦殺誣告等項重情即一年以內亦照雇工人治

罪。若止是農民雇倩親族耕作。店鋪小郎。以及

隨時短雇。並非服役之人。應同凡論。謹案此條乾隆三十

二年定。五十二年已定。有新例。此二條均刪。○一旗員毆死贖身及

放出奴婢。並該奴婢之子女者。即照毆死族中

奴婢降二級調用例。減一等。降一級調用。故殺

者。即照故殺族中奴婢例。降三級調用。謹案此條係乾隆

隆二十八年遵旨定例。四十二年。於例末增旗人毆死時身奴婢者。枷號四十日。鞭一

百七十。一官員毆死贖身及放出奴婢。並該奴婢

之子女者。照毆死族中奴婢降二級調用例。減

一等。降一級調用。故殺者。照故殺族中奴婢例

降三級調用。旗人毆死贖身奴婢者。枷號四十

日鞭一百。乾隆三十八年定。○一。奴婢毆家長之

期親及外祖父母至死者。皆擬斬立決。乾隆三十八年定。

○一。奴婢過失殺家長者。擬絞立決。乾隆三十八年定。

○一。凡民人毆死贖身放出奴婢及

該奴婢之子女者。杖一百徒三年。毆死族中奴

婢。杖一百流三千里。若係官員。亦照旗員之例

辦理。乾隆三十八年定。○一。凡家長及家長之期親

若外祖父母毆死贖身奴婢及該奴婢之子女

者。杖一百徒三年。故殺者。擬絞監候。大功親屬

毆死贖身奴婢者杖一百流二千里小功總麻

遞加一等

故殺亦絞監候

毆死贖身奴婢之子女者以

良賤相毆論若贖身奴婢干犯家長並家長期服以下親者俱依雇工人律科斷贖身奴婢之子女干犯家長及家長期親外祖父母亦以雇工人論干犯家長大功以下親以良賤相毆論如家長或家長期服以下親毆故殺放出奴婢及放出奴婢干犯家長並家長期服以下親者仍依奴婢本律定擬毆故殺放出奴婢之子女或放出奴婢之子女干犯家長及家長期服以

下親者。各依雇工人律科斷。其毆殺無服親屬
之奴婢。及奴婢之子女者。杖一百。流三千里。故
殺亦絞監候。若已經贖身放出。如有殺傷干犯。
各依良賤相毆本律論。該奴婢之子女俱以凡
論。係官員照旗員之例辦理。謹案此條乾隆四
十二年增定。道光
四年。於原例無服親屬上。增族中二字。十
二年。刪係官員照旗員之例。辦理十字。○一。
凡發遣黑龍江等處為奴人犯。有自行攜帶之
妻子。跟隨本犯在主家倚食服役。被主責打身
死者。照毆死雇工人例。擬杖一百。徒三年。其妻
子自行謀生。不隨本犯在主家倚食者。仍以凡

論

註案此條乾隆四十年定。

○一凡家長之期親因與人通

姦被白契所買婢女窺破起意致死滅口之案

除婢女年在十五以上仍照定例辦理外若將

未至十五歲之婢女起意致死者擬絞立決若

係為從各依本律科斷

註案此條係乾隆五十年定例。

旨定例。

○一契買婢女伊父母兄弟私自拐逃者照和

誘知情發遣例減一等杖一百徒三年其女給

主領回若契買家奴及戶下陳人將女私聘與

人未成婚者給還本主已成婚者追身價銀四

十兩無力者量追一半給主其嫁女之人杖一

百徒三年。滿日給主管束。娶主知情與同罪。不知者不坐。

註案此條嘉慶六年定。

○一家長之妾。毆故殺

奴婢之案。除係生有子女者。即照家長之期親。毆故殺奴婢本律分別定擬外。其未生子女之妾。毆死隸身服役之婢女者。杖一百流三千里。故殺者擬絞監候。若與家長之衆奴婢有犯。並非隸身服役之人。俱以凡論。○一雇工人等。干犯舊家長之案。如係因求索不遂。辭出後復藉端訛詐。或挾家長攆逐之嫌。尋釁報復。並一切理由肇釁。在辭工以前者。均即照雇工人干犯

家長各本律例分別定擬其辭出之後別因他

故起釁者仍以凡人論

謹案以上二條俱道光十二年定

○年

例事

國初定凡本主私殺家僕者鞭一百追人入官○

康熙三年題准凡內務府佐領下並辛者庫有

毆死奴僕者其追賠之人交該營之主撥給○

七年議准官員毆死奴僕者罰銀七十兩故殺

者罰銀一百兩追人入官平人毆死奴僕者枷

號二十日鞭一百故殺者枷號一月鞭一百追

人入官○十年議准官員毆死奴僕者罰俸九

月。故殺者。罰俸一年。追人入官。持刃殺死者。革職。○十五年議准。官員毆死奴僕者。罰俸一年。平人持刃殺奴僕者。枷號兩月。鞭一百。餘如舊。○二十一年議准。官員故殺奴僕者。降一級留任。持刃殺死者。革職。平人故殺奴僕者。枷號四十日。鞭一百。持刃殺死者。枷號三月。鞭一百。俱追人入官。○三十九年議准。不食俸祿之監生。俊秀人等。將奴僕責打致死。者。革職。故意毆殺者。革職。追人一口入官。持刃殺者。革職。杖一百。收贖。仍追人一口入官。○四十二年

諭筆帖式俱係應升司員之人。豈可打死家人妄行不端之事。嗣後筆帖式等有打死家人妄行不端之事者。著革退。○雍正二年

諭刑法上關

天和。下繫民命。實為政治之要。朕御極以來。讞斷必加詳慎。務期當罪而得其平。惟明克允。所以體

天心而重民生也。向來八旗官軍人等。待家人過嚴。微小之失。甚至毆責斃命。奴僕雖賤。彼亦人子。況性命攸關。何得任意荼毒。朕於刑部成獄。除強盜故殺謀殺等犯。不得不依律正法。其餘罪犯。略有可恕者。俱

行寬免。從未降旨特殺一人。朕大君也。有罪者尚不
忍輕加刑戮。為臣下者。乃可毆死無辜之奴僕乎。且
奴僕奔走服勞。又性多愚暗。易獲過愆。全賴上之人
矜恤而原宥之。即有酗酒冒犯之處。應加懲治。亦不
宜過重。致於死地。以逞一時之憤怒。該部即行文曉
諭八旗。嗣後務宜待下以寬。不得擅自毆死家人。凡
遇毆斃家人。詳其情罪。分作三等。定例議奏。欽此。遵
旨議准。凡旗人奴僕違犯教令。家主依法決罰致死。及
過失殺者。仍照舊例。不論外。其官員違法責打
奴僕致死。及持刃殺死者。分三等。定以罰俸降

革鞭責。平人犯者。分三等鞭責。枷號。至官員。平人有致死族中家僕者。各從重擬。八旗畫一遵行。○乾隆三年。

諭定例。故殺奴僕者。降二級調用。恐不肖官員。恃有職銜。謂打死家人。罪不過降革。且任內有加級紀錄。又可抵免。遂致恣意殘害。如釋伽保之流。此風斷不可長。從前定例。尚未明析。即以故殺而論。惡僕逞兇。其主殺之。乃故殺也。今釋伽保之因姦毒殺其僕。亦得以故殺論。又豈可同日而語哉。此處著九卿分別詳悉定議具奏。欽此。遵。

旨議准。家主圖姦不遂。毒毆致斃。將伊主不分官員平人。悉發黑龍江等處當差。至奴婢罪不至死。而起意致斃者。擬以降調。雖有加級。不准抵銷。○七年議准。刑部辦理家長殺奴僕之案。如官員平人毆殺故殺等項。例應罰俸降革。及犯該徒罪以上者。俱入彙題。若罪止杖責枷號。又年老婦人例應收贖者。向由刑部批結發落。與慎重命案之意。尚未允協。嗣後家長殺奴婢。雖罪止杖責枷號。及例應收贖者。經刑部定擬。除人犯照例先行發落外。仍令按季彙題。○二十八年

諭朕閱刑部彙題本內有筆帖式寶祥打死贖身家人
玉明一案。定擬甚屬非是。家主毆死家人。如無別故。
不過罪止奪俸。若已贖身。則與現在服役者不同。擬
議自當區別。何得概照主僕成例。致情罪不得其平。
此案著另行定擬。並詳定條例具奏。○三十七年

諭向來旗下家奴有酗酒行兇者。一經本主報明。該旗
即行送部發遣。其妻室有年老殘疾及不願隨帶者。
俱不同發。定例未為周密。如近日秦璜即有將發遣
家奴之妻留占為妾之事。不可不另定章程。以防陋
弊。蓋家奴犯法。其妻亦屬有罪之人。自當一體發遣。

但此等犯罪旗奴妻室自不值官為咨送。若其中果有實在不能隨帶者。或令於親屬依棲。或聽本婦另嫁。不便仍留服役。以杜嫌疑。嗣後該部旗遇有發遣家奴之案。俱照此辦理著為例。○五十二年江蘇巡撫題徐二姐與陳七通姦。被伊父白契所買婢女素娟窺破。起意致死滅口。審照故殺雇工律擬絞監候。奉

旨。徐二姐與陳七通姦。恐婢女素娟說破。起意致死滅口。主婢之分已絕。且素娟年止十二。徐二姐乘伊睡熟。用繩收勒斃命。實為淫兇可惡。徐二姐著改為絞

決嗣後遇有姦淫起釁。任意兇殘婢女年在十五歲以下者。俱著照此辦理。○同治九年奏准。查近年致斃奴婢之案。平人婦女尚少。惟官員之家為多。例內官員致斃奴僕。係應分別毆殺故殺擬以罰俸降革。不與平人一律問擬實徒。官員之妻有犯。應否照官員定擬。例無明文。在官員身列仕版。不能約束婦女。致將婢女虐斃。甚或知情故縱。即予以處分。亦屬咎無可辭。惟究與自行犯罪不同。若一例擬以降革。未免無所區別。嗣後官員之家。婦女毆故殺奴婢雇工人等。除罪

應擬抵及律止擬杖者。仍照本律例定擬外。如
罪應徒一年者。即照伊夫及家長品級。罰俸一
年。罪應徒三年者。罰俸二年。罪應擬流者。罰俸
三年。如家長及夫身故無俸者。仍照原官品級
追罰。並追奪本婦

誥敕。不准再行蒙混。邀請
封典。

欽定大清會典事例卷八百十一

刑部

刑律鬪毆

同姓親屬相毆

毆大功以下尊

同姓親屬相毆。○凡同姓親屬相毆。雖五服已

盡。而尊卑名分猶存者。尊長

犯卑

減凡鬪一等

卑幼

犯尊

加一等

不加

至死者

無論尊卑長幼

並以凡

人論

鬪殺者然。故殺者斬。

○

附律條例

一。凡同族之中。果有兇

悍不法。偷竊姦宄之人。許族人呈明地方官。照

所犯本罪依律科斷。詳記檔案。若經官懲治之

後。尚復怙惡不悛。准族人公同鳴官。查明從前

過犯實蹟。將該犯流三千里安置。不許潛回原籍。生事為匪。僮族人不法。事起一時。合族公憤。不及鳴官。處以家法。以致身死。隨即報官者。該地方官審明死者所犯劣蹟。確有實據。取具里保甲長公結。若實有應死之罪。將為首者照罪人應死擅殺律杖一百。若罪不至死。但素行為通族之所共惡。將為首者照應得之罪減一等。免其擬抵。僮宗族之人捏稱怙惡。託名公憤。將族人毆斃者。該地方官審明致死實情。仍照本

律科斷。

據案此條係雍正五年遵

旨定例乾隆五年奉准刪除。○歷年

事例

雍正五年

諭。從來兇悍之人。偷竊姦宄。怙惡不悛。以致伯叔兄弟等重受其累。其本人所犯之罪。在國法雖未至於死。而其尊長族人。翦除兇惡。訓誡子弟。治以家法。至於身死。亦是懲惡防患之道。使不法之子弟。知所做懼。悛改。情非得已。不當按律擬以抵償。嗣後凡遇兇惡不法之人。經官懲治。怙惡不悛。為合族之所共惡者。准族人鳴之於官。或將伊流徙遠方。以除宗族之害。或以家法處治。至於身死。免其抵罪。著定議具奏。○
乾隆五年議准。同族之中。果有兇悍不法之徒。

族人自應鳴官治罪。乃向例有事起一時合族公憤。處以家法致死。審明罪人應死不應死。將為首者分別擬杖與減等免抵等語。雖屬懲創。兇悍體順人情之意。但族大人眾。賢愚難辨。或以富吝而招衆怨。或以剛直而致同讎。或一人煽誘。羣相附和。或共挾微嫌。軌圖報復。架詞串害。往往有之。儻地方官未能深察。難保無冤抑之情。況生殺乃

朝廷之大權。如有不法。自應明正刑章。不宜假手族人。以開其隙。所有此條舊例。應請刪除。

毆大功以下尊長。○凡卑幼毆本宗及外姻總

麻兄姊但毆而坐杖一百。小功兄姊杖六十。徒一年。

大功兄姊杖七十。徒一年半。尊屬又加一等。折

傷以上各遞加凡鬪傷一等。罪止杖一百。流三千里。篤疾

者不問大功以下尊屬並絞死者斬。絞斬在本宗小功大

餘俱監候。不言故殺者亦止於斬也。若本宗及外姻尊長毆卑幼非折

傷勿論。至折傷以上。總麻卑幼減凡人一等。小功

卑幼減二等。大功卑幼減三等。至死者絞。監候不言故殺者亦

止於絞也。其毆殺同堂大功小功弟妹大功小功堂姪及總麻姪孫者

杖一百。流三千里。不言篤疾至死者罪止此。仍依律給付財產一半養贖。

故殺者絞

監候不言過失殺者蓋各准本條論贖之法兄之妻及伯叔母弟之妻及

卑幼之婦

在毆夫親屬律

○附律

一。毆死同堂

姪與姪孫

在毆期親律

條例

大功弟妹小功堂姪及總麻姪孫除照律擬流

外仍斷給財產一半養贍其大功以下尊長毆

卑幼至篤疾均照律斷給財產惟毆尊長至篤

疾罪應擬絞者不在斷給財產之內

謹案此條乾隆八年

定

○一。凡聽從下手毆本宗小功大功兄弟及

尊屬至死者除實係迫於尊長威嚇勉從下手

邂逅至死者仍照律減等科斷外若尊長僅令

毆打而執行疊毆多傷至死者將下手之犯擬

斬監候

茲案此條乾隆十一年定

一。凡聽從下手毆本宗小

功大功兄姊及尊屬至死者審係迫於尊長威嚇勉從下手邂逅至死者照威力主使律為從減等擬流。若尊長僅令毆打而輒行疊毆多傷至死者將下手之犯擬斬監候。至聽從下手毆死期親尊長尊屬之案仍擬斬立決。夾籤聲請其聽從下手毆死總麻尊長尊屬之案依律減等擬流。

茲案此條嘉慶六年增修十一年於審係迫於尊長上增除主使之尊長仍各

按服制以為首科斷外下手之犯二十一字

一。凡聽從下手毆本宗

小功大功兄姊及尊屬至死者除主使之尊長

仍各按服制以為首科斷外下手之犯審係迫
於尊長威嚇勉從下手邂逅至死者照威力主
使律為從減等擬流若尊長僅令毆打輒行疊
毆多傷至死者下手之犯擬斬監候其聽從毆
死總麻尊長尊屬之案依律減等擬流

謹案此係咸豐

七年因原例內聽從下手殺死期親尊長尊屬
之案仍擬斬立決夾戴聲請一節係指期尊而
言與大功以下無涉是以摘○一凡毆死有服
出移附毆期親尊長門內

尊長情輕之案該督撫按律例定擬止於案內
敘明不得兩請法司會同覈覆亦照本條擬罪
其兩請舊例一概停止若覈其情節實可矜憫

者夾籤聲明恭候

欽定

謹案此條乾隆十三年定

一。凡毆死本宗期功尊長罪干斬

決之案如係情輕該督撫按律例定擬止於案內敘明不得兩請法司會同覈覆亦照本條擬罪其兩請舊例一概停止若覈其所犯情節實可矜憫者夾籤聲明恭候

欽定若毆死本宗總麻及外姻小功總麻尊長者照

律擬斬監候毋庸夾籤聲明

惟殺親情切及本夫殺姦毆死總麻

尊長或毆傷總麻尊長餘限外身死之案隨本聲請量減不在此例。○謹案此條係嘉慶六年

增一。凡毆死本宗期功尊長罪干斬決之案若

係情輕

如卑幼實係被毆情急抵格無心適傷致斃之類

該督撫按律

例定擬止於案內將並非有心干犯各情節分

晰敘明不得兩請法司會同覈覆亦照本例條

擬罪覈其所犯情節實可矜憫者夾籤聲明恭

候

欽定若與尊長互鬪係有心干犯毆打致斃者亦於

案內將有心干犯之處詳細敘明即按律擬以

斬決其毆死本宗總麻及外姻小功總麻尊長

者照例擬斬監候毋庸夾籤聲明

惟赦父情切及本夫殺妻

毆凡總麻尊長或毆傷總麻尊長餘限外身死之案隨本聲請量減不在此例○謹案此條道

光二年因原則止言情輕及最其情節實可矜
憫並未載明是否有心干犯以致辦理紛歧是
以增定並於○一。於母黨有犯除親母嫡母本
情輕下增註。

生母黨屬仍照服制定擬外其餘均同凡論

案

此條乾隆二十一年定四十二年奉

旨酌定新例將此條刪除

一。凡於親

母之父母有犯仍照本律定擬外其於在堂繼
母之父母庶子嫡母在於嫡母之父母庶子於
在堂繼母之父母庶子不為父後者於己母之
父母為人後者於所後母之父母及本生母之
父母等六項有犯即照卑幼犯本宗小功尊屬
律毆殺謀故殺均擬斬立決謀殺已行已傷及

鬪毆傷者仍各照本宗服制本律分別定擬。至
各項甥舅等有犯亦俱照外姻尊卑長幼本律
治罪如尊長有於非所自出之外孫及甥等故
加陵虐或至於死承審官臨時權其曲直按情
治罪不必以服制為限。

謹案此條係乾隆四十
二年遵旨議定

嗣於四十三年將服制圖內庶子不為父後者
其已母之父母服一項註明若已母係由叔婢
家生女收買為妾及其父母係屬戚族者。一凡
不在此列嘉慶六年於例內一體增註。

於親母之父母有犯仍照本律定擬外其於在
堂繼母之父母庶子嫡母在於嫡母之父母庶
子於在堂繼母之父母庶子不為父後者於已

母之父母

若己母係由奴婢家生女收買為妻及其父母係屬駭族者不在此例

為人後者於所後母之父母及本生母之父母
嫁母之父母等七項有犯即照卑幼犯本宗小
功尊屬律毆殺謀故殺均擬斬立決謀殺已行
已傷及鬪毆傷者亦各照本宗服制本律分別
定擬至親母繼母等各項甥舅等有犯俱照外
姻尊卑長幼本律治罪與嫁母之兄弟有犯以
凡論如尊長有於非所自出之外孫及甥等故
加陵虐或至於死承審官臨時權其曲直按情
治罪不必以服制為限

謹案此條嘉慶十七年增定

○一卑

幼毆總麻尊長。於保辜餘限外身死。按其所毆傷罪在徒流以下者。於斬候本律減一等杖一百。流三千里。其原毆傷重至篤疾者。擬絞監候。毆小功以上尊長。如罪應斬決者。雖死於辜限之外。仍照本律定擬。臨時酌量情節。夾籤聲明。謹案此條乾隆二十三年定。一。卑幼毆傷總麻尊長餘限內。果因本傷身死。仍擬死罪。奏請。

定奪。如蒙寬減。減為杖一百。發邊遠充軍。謹案此條乾隆三十一年定。原載保辜限期門內四十八年。移附此條。一。卑幼毆傷總麻尊

長餘限內。果因本傷身死。仍擬死罪。奏請。

定奪如蒙寬減減為杖一百發邊遠充軍若在餘限
外身死按其所毆傷罪在徒流以下者於斬候
本罪減一等杖一百流三千里其原毆傷重至
篤疾者擬絞監候毆小功以上尊長如罪應斬
決者雖死於餘限之外仍照本律定擬臨時酌
量情節夾籤聲明

謹案此條係乾隆四十
八年將上二條修併

一。卑

幼刀傷期親尊長尊屬及外祖父母之案如釁
起挾嫌有心刀傷者依律問擬絞決毋庸聲請
若非有心干犯或係金刀誤傷及情有可憫者
法司覈題時遵照李倫奎案內欽奉

諭旨夾籤聲明候

旨定奪

謹案此條乾隆五十七年遵旨定創嘉慶六年增及外祖父母五字原載毆期親尊長

門內十一年移入此門修改一卑幼毆傷總麻尊長尊屬餘

限內果因本傷身死仍擬死罪奏請

定奪如蒙寬減減為杖一百發邊遠充軍若在餘限外身死按其所毆傷罪在徒流以下者於斬候本罪上減一等杖一百流三千馬其原毆傷重至篤疾者擬絞監候毆傷期功尊長尊屬正餘限內身死者照舊例辦理其在餘限外身死之案如刃傷期親尊長尊屬並以手足他物毆至

折肢瞎目及毆大功小功尊長尊屬至篤疾者
仍依傷罪本律問擬絞決訊非有心干犯或係
誤傷及情有可憫者俱擬絞監候若係折傷並
手足他物毆傷本罪止應徒流者既在餘限之
外因傷斃命均擬絞監候秋審時統歸服制冊
內擬入情寬其卑幼刃傷期親尊長尊屬及外
祖父母之案如釁起挾嫌有心刃傷者依律問
擬絞決若訊非有心干犯或係金刃誤傷及情
有可憫者俱擬絞監候均毋庸夾籤聲請

謹案此條

係嘉慶十一年將前二條修併

並遵照七年諭旨改定 一卑幼毆傷總

麻尊長尊屬餘限內果因本傷身死仍擬死罪
奏請

定奪如蒙寬減減為杖一百發邊遠充軍若在餘限
外身死按其所毆傷罪在徒流以下者於斬候
本罪上減一等杖一百流三千里其原毆傷重
至篤疾者擬絞監候毆傷功服尊長尊屬正餘
限內身死者照舊辦理其在餘限外身死之案
如毆大功小功尊長尊屬至篤疾者仍依傷罪
本律問擬絞決訊非有心干犯或係誤傷及情
有可憫者俱擬絞監候若係折傷並手足他物

毆傷本罪止應徒流者既在餘限之外因傷斃

命均擬絞監候秋審時統歸服制冊內擬入情

實辦理

謹案此條咸豐二年因原例正條限內外身死二節俱連期尊在內例末又專

指刃傷期尊及外祖父母分別有心無心辦理與大功以下無涉是以摘出移附毆期親尊長

內○一。致死期功尊長尊屬除與他人鬪毆誤

傷致斃或被尊長揪拑刀械交加身受多傷無

處躲避實係徒手抵格適傷致斃或死者罪犯

應死及淫惡蔑倫並救親情切各項情節仍准

夾籤外其餘持械抵格情同互鬪概從本律問

擬斬決不得以被毆抵格奪刀自戳等詞曲為

開脫夾籤聲請

謹案此條成
豐七年定

○一。致斃平人一

命復致斃期功尊屬尊長之案除另斃之命律不應抵或例得隨本減流並誤殺擅殺戲殺毆死妻及卑幼暨秋審應入可矜等項及例內指明被殺之尊屬尊長罪犯應死淫惡蔑倫並救親情切聽從尊長主使毆斃仍按服制擬罪准將可原情節夾籤聲請外其餘另犯謀故鬪殺復致斃期功尊屬尊長雖係誤殺情輕亦不准夾籤聲請以重倫常

謹案此條成
豐八年定

○一。卑幼毆

死本宗功服尊長尊屬之案於敘案後毋庸添

入詰非有心致死句專用實屬有心干犯勘語
以免牽混其例內載明情輕如被毆抵格無心
適傷之類仍於勘語內聲明並非有心干犯以
便分別夾籤

謹案此條成
豐九年定

○一。凡有服尊長殺

死卑幼如係謀財害命強盜放火殺人及圖姦

謀殺等案俱照平人一例辦理不得復依服制

寬減其餘尋常親屬相盜及謀故毆殺卑幼之

案仍照例定擬

謹案此條係乾隆
一年遵

旨議定。凡有

服尊長殺死卑幼如係圖謀卑幼財產殺害卑
幼之命並強盜卑幼貨財放火殺人及圖姦謀

殺等案。悉照平人一例辦理。不得復依服制寬減。其餘尋常親屬相盜。及因圖詐圖賴他人財物。謀故殺死卑幼之案。仍依服制科斷。謹案此條乾隆

五十二
年修改一。有服尊長殺死卑幼之案。如卑幼並

無觸犯情節。止因其父兄伯叔平日不肯資助。及相待刻薄。挾有夙嫌。將其年在十二歲以下。無辜幼小子嗣弟姪。遷怒故行殺害。圖洩私忿者。悉照凡人謀故殺本律擬斬監候。不得復依服制科斷。其被殺之卑幼。年在十三歲以上者。知識已開。審有觸犯別情。並其餘謀故殺卑幼。

之案仍照舊例辦理

謹案此條係乾隆五十六年遵旨議定以上

二條原載服期親尊長例內嘉慶六年移入此門

一功服以下尊長殺

死卑幼如係圖謀卑幼財產殺害卑幼之命並強盜卑幼貨財放火殺人及圖姦謀殺等案悉照平人謀故殺律問擬斬候不得復依服制寬減其餘尋常親屬相盜及因圖詐圖賴他人財物謀故殺死卑幼之案仍依服制科斷一功服以下尊長殺死卑幼因其父兄伯叔素無資助及相待刻薄挾有夙嫌將其十歲以下幼小子女弟姪遺怒故行殺害圖洩私忿者悉照凡人

謀故殺本律擬斬監候不得復依服制科斷其
挾嫌謀殺卑幼年在十一歲以上並其餘謀故
殺卑幼之案仍照律擬絞監候

謹案此二條係
嘉慶六年修改

○一。凡卑幼圖姦親屬起釁故殺有服尊長之
案按其服制罪應斬決凌遲無可復加者於援
引服制本律之上俱聲明卑幼因姦故殺尊長
字樣具有圖姦親屬故殺本宗及外姻有服尊
長按律罪止斬候者均擬斬立決

謹案此條係
乾隆四十九

年議
定

○一。卑幼毆本宗外姻總麻以上尊長致

成篤疾之案除首犯依律擬絞外其聽從幫毆

之犯如僅止手足他物輕傷仍依為從減等律

問擬滿流如有折傷及刃傷者發極邊煙瘴充

軍

議案此條乾隆六十一年遵
日議定

一卑幼共毆本宗外姻

總麻以上尊長尊屬致成篤疾之案除首犯分

別絞決絞候外其聽從幫毆之有服卑幼如僅

止手足他物輕傷不分服之親疏仍依為從減

等律問擬滿流若有折傷及刃傷者發極邊煙

瘴充軍

議案此條係嘉慶六年修改

○一凡有服親屬同謀

共毆致死之案除下手傷重之犯及期服卑幼

律應不分首從者仍各按本律問擬外其原謀

如係總麻尊長減凡人一等期功尊長以次遞減若係總麻卑幼加凡人一等大功小功卑幼以次遞加

議案此條嘉慶十六年定

○一凡尊長毆傷卑幼

因風身死之案各按服制依毆死卑幼本律本例定擬仍查照凡人鬪毆因風身死之例分別正限餘限遞減科斷。凡尊長毆傷卑幼保辜正限外餘限內果因本傷身死各按服制於毆死卑幼本律例減一等定擬罪應絞者奏請

定奪

議案此二條嘉慶十六年定

○歷年事例

乾隆二十一年議准外

祖父母與本宗期親尊長無異母舅兩姨新改

小功服制。其有干犯問罪散見於刑律者甚多。但其中有名稱同而實不同者。如繼母之父母兄弟姊妹皆外祖父母姨舅也。查律載子孫違犯教令。嫡繼慈養母殺者各加一等。致令絕嗣者絞候。又新例。繼母非理毆故殺前妻之子。若現無子嗣。即照律擬絞。於秋審時入情實冊內請

旨定奪。是繼母之不得比於親母。其義甚明。今設有繼母之父母毆故殺其壻前妻之子。反得減等徒流。則於情法俱乖。但律無明文。將何適從。按

禮記云。親母被出。不為其黨服。而為繼母之黨服。若親母死於室。則為其黨服。而不為繼母之黨服。是母死而父再娶。其繼母之父母兄弟姊妹一切皆以凡論。據經可以定例也。查康熙四十一年四月。刑部議覆直撫李光地題。宣化府萬全縣民溫生功。因父欠糧索討房契。其父不允相讓。繼母王氏之父王科亦行幫毆。生功情急。用刀扎傷王科肚膝等處。殞命。王科雖係生功繼母之父。但例內繼母之父母無服。應照凡人論。生功合依鬪毆殺人者絞候奉。

旨依議在案。此成案又有可稽者。但傳鈔未廣。以致辦理未能盡一耳。又按外祖父母之名。總之則一分之則有十三。子為母之父母一也。前母子為後母之父母二也。後母之子為前母之父母三也。庶子為嫡母之父母四也。庶子為繼嫡母之父母五也。庶子為生母之父母六也。為人後者為所後母之父母七也。為人後者為所生母之父母八也。庶女之子為母之嫡母九也。庶女之子為母之生母十也。慈母之子為慈母之父母十一也。出妻之子為母之父母十二也。嫁母之

子為母之父母十三也。凡此十三者，其在於古，有服有不服，蓋服制之說，有恩合義合之分。親母之父母，以恩合者也。繼母各項，以義合者也。恩無可絕，義有權衡。至於相犯擬罪，則外姻之服，更不得與本宗同論。兄弟之妻，服制小功，而相毆致死，則同凡論是也。今細加酌議，宗無二絕，外氏亦無二絕。嗣後除親母嫡母本生母黨屬，仍照服制定擬外，其餘均同凡論，則法有定衡，而例無歧出矣。○四十一年

諭刑部。這呈秋審招冊，朕詳加披閱。內浙江省僧靜峯

起意毆死其俗家胞弟周阿毛圖賴邢直武等一案。照故殺期親弟妹律擬絞監候。又江西省郭義培謀財殺死小功堂姪郭丫頭仔一案。照尊長謀殺本宗卑幼已殺者依故殺律擬絞監候。雖皆擬入情實。而所引之律俱未允協。僧人披剃出家。即不當復論其俗家卑幼。且致死人命。即已犯其殺戒。今靜峯因周阿毛癡呆無用。輒行謀死。圖賴洩忿。兇殘殊甚。彼既不念手足之誼。何得復援尊長之條。刑部所以引此者。因律有為僧於本身親屬有犯。仍按服制定擬等語。遂爾概行比附。殊未思律言有犯。專指尊長而言。

如僧人犯其祖父伯叔。自不可因已出家。稍為未減。若卑幼本不可言犯。又安得由犯尊之律。推而下及乎。僧人致死俗家卑幼。斷不當復以服制論也。至郭義焙。因其六歲幼姪郭丫頭仔。頭戴銀項圈。輒行起意扭取。見其哭喊。遂行推跌。糞坑溺斃。兇惡殘忍。情殊可惡。且該犯意在圖財。視伊姪如草芥。盜攫而殘其命於死。恩義已絕。又豈可復引謀殺卑幼之條乎。夫尊長之於卑幼。或不遵教誡。或干犯名分。責打致斃。本律原止擬流。若因財產起釁。則不得概用此律。從前曾降諭旨。敕部準情定擬。是以有兄及伯叔因

爭奪財產將弟姪故行殺害者擬絞監候一條。然此亦第專指尋常索財爭產因傷斃命而言。蓋弟姪原有贍給尊長之義。故尊長之罪尚屬稍輕。若謀財害命及強盜得財致死弟姪。更復有何倫理。以及圖姦卑幼之妻。復將卑幼謀殺者。此等兇徒身已蔑倫傷化。定擬時轉因倫紀原情。又豈明刑弼教之本意乎。朕辦理庶獄。鑑空衡平。輕重悉視其人之自取。而於秋讞大典。披覽再三。期於無枉無縱。若此二條舊例。尚未合情理之正。著刑部另行改擬具奏。以昭平允。

○四十二年奉

旨。刑部覈擬直隸省王錦毒死繼母王苗氏之母苗趙氏一案。聲明該犯與苗趙氏並無服制。改擬斬候。並引例載母黨有犯除親母嫡母本生母仍照服制定擬外。其餘均從凡論等語。所擬殊未允協。為人後者為所後父母持三年之服。而於本身父母降服期年。即五服之制。亦以所後為準。而於本生皆降一等。是所後之親屬服制。俱較本生為重。何於所後之外姻獨不得比於本生之有服乎。若慮所後之外姻尊長。於甥及外孫。謂非其所自出。故加陵虐。或置於死。自可權其曲直。繩之以法。何必削其服制而為防乎。且

如本宗尊長非理謀殺卑幼其恩義已絕即照凡人擬抵則外姻尊長亦可援以為例並不必分所後及本生也若卑幼敢於謀殺外姻尊長即為干名犯義自當一例科斷又豈可強為分別而於所後之外姻視本生轉為末減乎況此案王錦因覬繼母苗氏改嫁得以花費家財而嗔其外祖母苗趙氏從中阻止遂爾懷忿謀殺理既甚曲性復兇頑其情罪實為可惡刑部乃因其無服輒行改擬豈為情法之平頃詢之刑部堂官此例係乾隆二十一年所定閱其例本惟事拘牽文義而揆之天理人情均未允當又豈明

刑弼教之義。著刑部將此例悉心斟酌更定。所有王
錦一案。即照新例另行定擬具奏。欽此。遵

旨詳考禮經。稽覈憲典。查儀禮為人後者傳曰。為所後
者之祖。父母妻。妻之父母昆弟。漢儒鄭康成曰。
若子者。如親子。

欽定義疏曰。所後者妻之父母昆弟。於所後者為外祖
父母及舅。皆如親子為之服也。又曰。所後若有
數妻。則以後之之時現在為主。而從服其黨。出
則不服。有繼母則服繼母。而從服其黨。又曰。從
服者從亡則已。是為人後者。為所後母之父母。

本有服制而例內入於從凡之列揆之情理誠未允協今經

聖明指出

訓示周詳實為千古不易之至論又禮經小功五月服內列有為外祖父母之文

欽定義疏云外祖父母有當服者六子為因母之父母一也因母即親母也母出為繼母之父母二也庶子君母在為君母之父母三也君母即嫡母也庶子為繼母之父母四也庶子不為父後者為己母之父母五也為人後者為所後母之父

母六也。又云。繼母多則服在堂。繼母之黨。至為人後者。為其本生之父母。禮有本生親屬降服一等之文。故不與六者同在小功五月之列。二十一年定例所載。於母黨有犯。除親母嫡母本生母黨。仍照服制定擬外。其餘均照凡論等語。是於應服之各項外祖父母內。止列親母嫡母二項。而以本生外祖父母應行降服者。反得躋於正服。其說不本於經。實多舛漏。今恭繹

諭旨。於準情定制之義。

審思精詳。衷於至當。按之禮經。正相印合。嗣後凡為人

後者。於本生親屬既屬降服。則為所後母之父母。自應與親母之父母一例持服。小功五月。此外為繼母之父母等項。應悉照。

欽定儀禮義疏當服六項。一併增入服圖。如遇有干犯。即照卑幼犯本宗小功尊屬律。毆殺謀故殺。均擬斬立決。謀殺已行已傷及鬪毆傷者。俱各按服制分別定擬。至親母之父母屬毛離裏。一脈相承。恩義實為尤重。其干犯之罪。應仍照本律。毆死外祖父母者。斬。謀故殺者。凌遲處死。定擬再為人後者。為本生母之父母。服雖降小功一

等而恩亦較重。其干犯之罪。亦應與犯小功尊屬同科。推之各項甥舅等服制。悉按前項增入。照外姻尊卑長幼治罪。如有於非所自出之外孫及甥。故加陵虐。或至於死。臨時權其曲直。按情治罪。不必以服制為限。庶禮制悉合經權。憲典益昭明備。於天理人情。皆為允協。○五十六年

諭。本日刑部題河南省賈希曾賈望曾砍傷堂叔賈嵩秀致成篤疾。將賈希曾依毆本宗小功尊屬致篤疾者。擬以絞決。賈望曾照為從減等律擬流一本。此案

賈希曾因向堂叔賈嵩秀借貸不允挾嫌氣忿喚同胞弟賈望曾先後用刀砍傷賈嵩秀致成篤疾賈希曾賈望曾兄弟二人同為賈嵩秀堂姪雖用刀毆砍有先後之別但服制攸關未可照凡人鬪毆分別輕重也且賈希曾刀砍兩傷賈嵩秀即行走避賈望曾復疊砍多傷更不得以下手先後分別首從刑部雖屬照律辦理實未允協令軍機大臣會同刑部酌議具奏○又

諭本日朕閱山西省情實人犯冊內絞犯余文全一起因恨伊胞叔余發不行周濟起意將其年甫十二之

幼子余興成子致死洩忿隨詎入場內揪倒在地用石連毆殞命。又絞犯孫式漢一起。因年甫十歲之小功堂姪孫寬漢子攜取所借鐵抓欲走。該犯奪抓毆砍孫寬漢子倒地。憶及其父母相待刻薄頓起殺機用鐵抓連砍殞命。以上二案刑部均照原擬依尊長謀殺卑幼律問擬絞候入於情實。辦理未為允協。尊長謀殺本宗卑幼其情節輕重原有區別。如卑幼果有不安本分下流為匪等情。為尊長者訓誨不悛。恐貽羞族黨。以致責打殞命。自應按照定律問擬勾到時尚可不行予勾。若因挾嫌懷忿。輒恃尊長名分故

行毆打致死甚或覬覦家資肆意陵虐毆斃卑幼且
其中絕人子嗣者有之是其殘忍已極恩義斷絕即
當以凡論不得再援尊長之例按照定擬今余文全
因伊胞叔余發不行資助輒將大功服弟余興成子
用石毆斃孫式漢因孫寬漢子攜取鐵抓奪毆憶及
其父母相待刻薄頓起殺機是其致死緣由實因圖
洩忿恨於己慘殺幼孩情節均屬殘忍自應即以凡
論刑部仍照尊長致死卑幼律擬絞引用例條未免
牽混殊非弼教明刑之義嗣後凡遇尊長謀殺本宗
卑幼之案其應如何分別案情擬罪之處著軍機大

臣會同刑部悉心定擬具奏。○又

諭向來尊長謀殺本宗卑幼問擬罪名雖有定例但案情輕重不同如謀財害命強盜放火殺人及圖姦謀害並因挾有父兄夙嫌遷怒無辜幼小子嗣弟姪故行殺害以致絕人之嗣則殘忍已極恩義斷絕自當即照平人科斷此為明刑弼教起見並非有意從嚴是以令軍機大臣會同刑部將原定之例分別妥議具奏今據準酌案情增定條例於情法益昭平允著依議行法可定而情不同仍在該部就事一一準酌辦理耳。○五十七年刑部題覆安徽省李倫奎刃傷

胞兄李登奎一案奉

旨。李倫奎因胞兄李登奎私挖田埂竊放田水微嫌。兩次嚷論。及李登奎持棒向毆。該犯輒用刀抵格。致傷李登奎右髀倒地。實屬不法。雖李登奎傷輕平復。刑部照該撫所題依第刃傷胞兄。不論輕重絞決。將李倫奎問擬絞決。所以重倫紀而儆兇頑。向來定例。實為允當。但兄弟爭毆致傷。情節不一。似此案李倫奎之釁起挾嫌。有心刃傷胞兄者。自當按律予以立決。若非有心干犯。或係金刃誤傷。及情有可憫者。著刑部存記。於題覆時夾籤聲明。引此旨候朕酌奪。以昭

情法之平。○嘉慶七年安徽巡撫題民人孫登扎傷胞兄孫梅餘限外身死將孫登依律擬斬立決夾籤聲請可否將孫登改照刃傷胞兄本律問擬絞決一案奉

旨刑部題覆安徽省民人孫登扎傷胞兄孫梅餘限外身死夾籤聲請一本現已依擬將該犯著即處絞矣向來尋常刃傷各案如在保辜正餘限外身死者止科傷罪至有閹服制之案雖與尋常刃傷案犯不同但限內外究當示以區別嗣後遇有卑幼刃傷期親尊長在保辜正餘限內身死者仍照舊辦理外若死

在餘限之外。即照刃傷本律問擬絞決。其刃傷期親尊長尊屬。律應問擬絞決之犯。如訊非有心干犯。或係金刃誤傷及情有可憫者。俱著問擬絞候。均毋庸夾籤聲請。著刑部纂入例冊遵行。○光緒五年

諭。本年秋審河南省李金木。聽從圖財謀殺年甫五歲小功服姪。係照平人謀殺律問擬。既經刑部改擬情實。實屬法無可貸。惟念該犯係屬為從加功。例無明文。衡情定罪。若照平人謀殺加功律。亦應問擬絞候。入於情實。李金木一犯。著即改為絞監候。現屆勾到之期。即行處決。毋庸派大員覆覈。錢

寶廉所奏飭議專條之處。著刑部議奏。欽此。遵
旨議准。查律重服制。故以尊殺卑。每從末減。而例杜
殘殺。故以尊謀卑。亦難概寬。況少小無知之卑
幼。並無干犯可言。而為尊長者。乃因財產肆意
殘殺。其忍心蔑理。已屬恩斷義絕。故定例照平
人謀故殺律。問擬斬候。不復以服制寬減。細繹
例內斬候二字。為首罪名既定。則為從即可類
推。惟例內究未議定專條。即如本年秋審河南
李金木一起。因圖財謀殺年甫五歲小功服姪
下手加功。刑部以例無治罪明文。從嚴問擬斬

候奉

旨照平人謀殺加功律改擬絞候入於情實該犯以圖謀財物聽旁觀之指使視骨肉如仇讎如果該犯具有天良死者誼屬至親且年甫五齡外人何敢以慘殺重情遽向啟盜衡情酌理照平人擬絞實屬罪所應得嗣後功服以下尊長如係外人圖財謀殺十歲以下卑幼下手加功即照此次欽奉

諭旨按平人謀殺加功律問擬絞候入實如係期親尊長圖財聽從外人謀殺十歲以下卑幼亦照

此問擬絞候。惟服制較近。應俟秋審時斟酌辦理。其不加功者。無論期功俱杖一百流三千里。

欽定大清會典事例卷八百十二

刑部

刑律鬪毆

毆期親尊長

毆期親尊長○兄弟妹毆

同胞兄弟姊妹雖出

為人後降服其罪亦同

杖九十徒二年半傷者杖一百徒

三年折傷者杖一百流三千里刀傷

輕重不論

肢若瞎其一目者絞

以上各依首從法

死者不分首從皆斬

若姪毆伯叔父母姑

是期親尊屬

及外孫毆外祖父

母

服雖小功其恩義與期親並重

各加毆兄姊罪一等

如者不至於折

肢瞎目者亦絞至死者亦皆斬

其過失殺傷者各減本殺傷兄弟

及伯叔父母母罪二等。不在收。故殺者。不分。凌遲。

處死。若卑幼與外人謀殺尊屬者。外人本律科。下手從而加功。不加功。各依凡人本律科。

罪不在皆新。其期兄姊毆殺弟妹及伯叔姑毆皆凌遲之限。

殺姪並姪孫。若外祖父母毆殺外孫者。杖一百

徒三年。故殺者。杖一百流二千里。以下疾至折傷。

過失殺者各勿論。謹案乾隆五年查子於母有犯。嫡繼慈養皆與親母同。若

母毆殺。故殺其子者。嫡繼慈養母各加一等。由

此而推。兄姊毆弟妹。仍當分別服制定擬。因於

姪內其罪亦同。下增若出繼之兄出嫁之姊毆弟妹者。依現在服制科斷。三十二年並原註三

刑。均。○條例一。凡卑幼毆期親尊長。執有刀刀趕殺。情狀兇惡者。雖未傷。依律問罪。發邊衛充

軍。

謹案此條係原例。

○一。凡兄與伯叔謀奪弟姪財產

官職等項。故行殺害者。問罪。屬軍衛者。發邊衛

充軍。屬有司者。發邊外為民。仍斷給財產一半

與被毆家屬養贍。

謹案此條係原例。

一。凡兄及伯叔因

爭奪弟姪財產官職。及平素讎隙。不睦。有意執

持兇器。故行殺害者。擬絞監候。仍斷給財產一

半。與被殺家屬養贍。如無前項情由。仍照律擬

罪。

謹案此條係雍正三年定。

一。尊長爭奪財產。故殺弟姪之

案。除被殺弟姪年已長成。有與尊長爭鬪之情

者。仍依爭奪財產舊例。定擬外。如弟姪年在十

二歲以下。幼小無知。並無爭鬭之情。尊長因圖

占財產。輒行慘殺毒斃者。悉依凡人謀故殺律

擬斬監候。

謹案此條乾隆五十六年定。

一期親尊長因爭奪

弟姪財產官職。及平素離隙不睦。有意執持兇

器故殺弟姪者。如被殺弟姪年在十一歲以上。

將故殺之尊長擬絞監候。仍斷給財產一半與

被殺之家養贍。若弟姪年在十歲以下。幼小無

知。尊長因圖占財產官職。挾嫌慘殺毒斃者。悉

依凡人謀故殺律擬斬監候。如無爭奪挾讎情

節。無論年歲。仍照本律定擬。

謹案此條嘉慶六年修併改定。

一凡故殺期親弟妹。照故殺大功弟妹律均擬

絞監候。其毆期親弟妹至死者。照本律滿徒加

一等。杖一百流二千里。

謹案此條乾隆元年定。

○一。凡誤

傷期親尊長至死。遇有

恩赦。准其援免。

謹案此條乾隆元年定。五年查赦款俱臨時恭候。

欽定。非可豫擬。且

案關倫紀。援免應出特恩。毋庸定為例款。刪

○一。姪毆期親伯叔

至死。該督撫俱依律定擬。如果情有可原者。止

將案情聲明。法司詳覈。奏請

定奪。儻有濫引舊案兩請。該督撫交部議處。

謹案此條乾隆

八年定。四十一年毆傷期親伯叔案內奉

旨。照律量減一等聲請。改定新例。將此條刪

除。○一。第毆胞兄至死。有應留養承祀者。果係

釁起一時。邂逅至死。方准聲明題請。若逞兇肆

毆。不得濫行援引。仍將不應留養承祀情由聲

明。謹案此條乾隆八年定。九年議准。例應承祀者減等擬流。今查發配。定有新例。將此條刪

除。○一。凡被期親尊長。或外祖父母毆至篤疾

者。如由卑幼觸犯。照律勿論。若卑幼並無干犯。

而尊長非理毒毆。致成篤疾者。除照律勿論外。

仍斷給財產一半養贍。謹案此條乾隆九年定。一。尊長毆

卑幼。除依理訓責。及因事互毆。邂逅致成篤疾

者。仍照律勿論外。若挾有嫌隙。故殘卑幼致篤

疾者。兄姊照毆死弟妹杖一百流二千里例減
一等。杖一百徒三年。伯叔姑外祖父母照毆死
姪姪孫杖一百徒三年律減一等。杖九十徒二
年半。不准照律勿論。謹案此條乾隆二十九年定。一、內外有

服尊長尊屬毆卑幼之案。如由卑幼觸犯依理
訓責。及因事互毆邂逅致成篤疾者。期親尊長
尊屬及外祖父母照律勿論。大功以下尊長尊
屬照律減科。仍斷給財產一半養贍。若卑幼並
無干犯。尊長挾有嫌隙。非理毒毆。故殘卑幼至
篤疾者。期親兄姊及功服尊長尊屬俱杖一百

徒三年。期親伯叔姑外祖父母。杖九十。徒二年。
半。總麻尊長尊屬。杖一百。流二千里。不准照律
科斷。仍均斷給財產一半養贍。謹案此條嘉慶六年修併。
一。凡卑幼誤傷尊長至死。罪干斬決。審非逞兇
干犯。仍准敘明可原情節。夾籤請

旨。其有本犯父母因而自戕殞命者。俱改擬絞決。母

庸量請末減。

謹案此條乾隆十八年定。

一。凡胞姪毆傷伯

叔之案。審係父母被伯叔毆打垂斃。實係情切
救護者。照律擬以杖一百。流二千里。刑部夾籤
聲明。量減一等。奏請

定奪。

謹案此條乾隆四十一年遵

旨議定。

一期親卑幼毆傷伯叔

等尊屬。審係父母被伯叔父母姑外祖父母毆

打。情切救護者。照律擬以杖一百流二千里。刑

部夾籤聲明量減一等。奏請

定奪。

謹案此條嘉慶六年修改。

一期親卑幼聽從尊長共毆期

親尊長尊屬致死。若主使之尊長亦係死者之

期親卑幼。

如聽從其父共毆胞伯叔及聽從次兄共毆長兄致死之類。

律應不

分首從者。各依本律問擬。

覈其情節實可矜憫者。仍援例夾籤聲請。

其聽從尊長主使。勉從下手。共毆以次期親尊

長致死。

如聽從胞伯共毆胞叔及聽從長兄共毆次兄致死之類。

係尊長下

手傷重致死。卑幼幫毆傷輕。或兩卑幼聽從尊
長主使共毆。內一卑幼傷重致死。一卑幼傷輕。
或內有凡人聽糾幫毆。係凡人下手傷重致死。
承審官悉心研訊。或取有生供。或供證確鑿。除
下手傷重致死之犯。各照本律本例分別問擬
外。下手傷輕之卑幼。依律止科傷罪。如係刃傷
折肢。仍依
律例分別問擬絞決絞候。不得以主使為從。再
行減等。謹案此條道光五年定。十四年查期
親卑幼於幫毆有傷後復目擊尊長被毆至死。
其情較之僅止毆傷者為重。一律同科。無以示
區別。且例繁則趨避愈巧。恐有子姪與弟毆死
胞叔胞兄。其父母伯叔胞兄有出而承認主使
以脫其罪者。是以另立專條。將此例刪除。一
期親卑幼聽從尊長主

使共毆以次尊長尊屬致死之案。訊係迫於尊長威嚇。勉從下手。邂逅致死者。仍照本律問擬斬決。法司覈擬時夾籤聲請。恭候

欽定。不得將下手傷輕之犯。止科傷罪。如尊長僅令

毆打。輒行疊毆多傷至死者。即照本律問擬。不

准聲請。

謹案此條即道光十四年刪除前條時所定之例。咸豐七年由毆大功以下尊

長門聽從下手條內。摘出聽從毆死期尊等語。別行修改。移所於此。○一。毆傷期

親尊長尊屬及外祖父母正餘限內身死者。照舊辦理。其在餘限外身死之案。如係金刃致傷。並以手足他物毆至折肢瞎目者。仍依傷罪本

律問擬絞決。訊非有心干犯。或係誤傷及情有
可憫者。俱擬絞監候。若係折傷。並手足他物毆
傷。本罪止應徒流者。既在餘限之外。因傷斃命。
均擬絞監候。秋審時統歸服制冊內擬入情實。
其刃傷及折肢瞎目傷而未死之案。如覺起挾
嫌有心致傷者。依律問擬絞決。若訊非有心干
犯。或係誤傷及情有可憫者。俱擬絞監候。均毋
庸夾籤聲請。謹案此係原載毆大功以下尊長
門。與卑幼毆傷總尊餘限內因傷
身死。係屬一條。咸豐二年
指出另行修改。移附此門。○一。卑幼如因事爭
鬭。有心施放鳥槍竹銃。致傷期親尊長尊屬及

外祖父母者。照刃傷例。問擬絞決。若非有心干

犯。或係誤傷。及情有可憫者。擬絞監候。謹案此條道光

二十五年定。○一。凡僧人有犯本家祖父母父母及

有服尊長。仍按服制定擬外。若致死本宗卑幼。

無論鬪毆謀故。俱以凡論。女尼道士喇嘛有犯。

一例辦理。謹案此條即乾隆四十一年僧靜峯

議定。一。凡僧尼干犯在家祖父母父母及殺傷本

宗外姻有服尊長。各按服制定擬。若殺傷本宗

外姻卑幼。無論鬪毆謀故。俱以凡論。本宗外姻

尊長卑幼。殺傷出家之親屬。仍各依服制科斷。

道士女冠喇嘛有犯。一例辦理。

謹案此條嘉慶六年增定。○

一期親尊長與卑幼爭姦互鬪。卑幼將尊長刃傷及折肢。罪干立決者。除卑幼依律問擬外。將

爭姦肇釁之尊長。杖一百。流二千里。如非爭姦。

仍各依律例本條科斷。

謹案此條乾隆五十八年遵旨議定。

○一。有服尊長殺死有罪卑幼之案。如卑幼果實屬罪犯應死者。無論謀故。為首之尊長俱照擅殺應死罪人律杖一百。聽從下手之犯。無論尊長凡人。各杖九十。其罪不至死之卑幼。如果訓誡不悛。尊長因玷辱祖宗起見。忿激致斃者。

無論謀故為首之尊長悉按服制於毆殺卑幼各本律例上減一等聽從下手之犯無論尊長凡人各依為從餘人本罪上減一等定擬若有假託公忿報復私讎及畏累圖財挾嫌貪賄各項情節者均不得濫引此例

謹案此條乾隆六十年定一期

親以下有服尊長毆死有罪卑幼之案如卑幼罪犯應死者為首之尊長俱照擅殺應死罪人律杖一百聽從下手之犯無論尊長凡人各杖九十其罪不至死之卑幼果係積慣匪徒怙惡不悛人所共知確有證據尊長因玷辱祖宗起

見忿激致斃者。無論謀故。為首之尊長。悉按服制。於毆殺卑幼各本律上減一等。聽從下手之犯。無論尊長凡人。各依餘人律杖一百。若卑幼並無為匪確證。尊长假託公忿。報復私讎。或一時一事。尚非怙惡不悛情節。慘忍致死。及本犯有至親服屬並未起意致死。被疏遠親屬起意致死者。如有祖父父母者。期親以下親屬。以疏遠論。餘仿此。均照謀故毆殺卑幼各本律定擬。不得濫引此例。謹案此條嘉慶六年增定。○一期親弟妹毆死兄姊之案。如死者淫惡蔑倫。復毆詈父

母經父母喝令毆斃者定案時仍照律擬罪。法司覈擬時照王仲貴之案。隨本改擬杖一百流三千里。請

旨定奪。其毆斃罪犯應死兄姊與王仲貴案內情節未符者。仍照毆死尊長情輕之例。照律擬罪。交

籤聲明。不得濫引此例。謹案此係嘉慶五年旨定例。

歷年事例雍正七年

諭廉喜以爭路細事。先毆胞兄廉美。則强悍無禮可知。

廉美因力不能敵。呼子廉大羣相助。廉喜復以木叉毆打廉大羣。廉大羣以木軸抵格。遂傷伊叔之命。則

事出倉猝。無心誤傷可知。即廉喜之妻亦供稱並無
縫隙圖產等情。且廉美已監禁病故。廉大羣著改為
應斬。監候秋後處決。○又

諭弟致親兄於死。若無可原之情。則當按律正法。不應
減等發遣。今包普照淫兄蔑倫。怙惡無賴。為通族鄰
里所共惡。伊弟包祿年方十六。聽從堂兄包佛保指
使。其情實可矜原。况包佛保已死。該部將包祿擬照
該督所題發遣黑龍江與披甲人為奴。情罪不符。包
祿著以枷責完結。○十二年

諭朕因近日刑部法司辦理刑名案件。輕重失倫者甚

多。而交與九卿會議之案。又多以姑息為寬大。潦草
議覆。而不察其情理之當否。因將此本發與九卿詳
悉閱看。令其各抒己見。於朕前面奏。以觀其識見。便
於教導。今日戶部尚書慶復等十七人奏稱弟毆胞
兄致死。法無可貸。禮部尚書三泰刑部尚書福敏張
照侍郎王國棟等十二人奏稱元正毆打厚正。厚正
走避。元正趕毆。厚正奪棍回抵。出於一時情急。戴氏
年老。一孫幼穉。厚正之罪。可以從寬等語。朕思人心
風俗之根本。莫重於倫常。夫以田土細事。而毆胞兄
致死。實屬人倫之變。若因母老而曲從寬宥。則凡兇

惡之人。父母年高。兄弟單少者。皆得肆行無忌。並可置倫常於不問矣。有是理乎。況元正趕毆之時。厚正已拿棍在手。可免乃兄之撻擊矣。而乃持棍忿毆。一擊而殞乃兄之命。尚得謂之一時情急。出於不得已乎。此等兇暴之徒。枉法容留。適足以為人心風俗之害。尚望其孝養伊母。撫乃兄之幼子。俾其成立耶。福敏張照王國棟乃專掌刑名之大臣。而識見卑庸。糊塗姑息。至於如此。不可不加懲儆。著交部嚴察議奏。藍厚正照律即行處斬。○乾隆元年。刑部議奏張揚成誣指妻徐氏與弟張洪仁通姦殺死張洪仁。

徐氏一案。依律兄毆弟故殺者杖一百流二千里。故殺妻者絞。二罪俱發以重者論。將張揚成擬絞監候奉

旨。弟乃手足之親。較妻為重。兄故殺弟。殘忍已極。今殺妻擬抵。而殺弟轉輕。於情理未協。其如何更定律例之處。著九卿會議具奏。欽此。遵

旨議定。大功小功總麻尊長毆卑幼死者絞。故殺亦絞。毆大功堂弟妹死者杖一百流三千里。故殺者絞。今請將故殺期親弟妹。照故殺大功弟妹者律。均擬絞監候。至故殺期親弟妹。既更定擬絞。

則毆期親弟妹至死者。亦應照本律滿徒加一等。杖一百流二千里。○五十七年

諭。

刑部議覆安徽省民人程光鋸毆死胞弟程南運並弟媳汪氏二命。問擬斬決一本。已照籤發下矣。程光鋸因胞弟程南運不允借錢。蓄意謀殺。前赴程南運家內。攜取柴斧。先將弟婦汪氏砍斃。復將胞弟程南運連砍殞命。挾嫌逞忿。實為殘忍已極。該犯因借錢細故。殺死胞弟婦二命。該部照平人科斷。依殺一家非死罪二人問擬斬決。其罪已無可復加。覈其情節。與前日四川省陳啟賢陳啟才殺死胞叔陳公奇

並胞叔之妾陳王氏一案。情罪相似。陳啟賢等二犯子嗣。已令該督查明。年已及歲者。永遠監禁。今程光鋸子嗣。亦應照此辦理。但此等罔顧倫常。逞兇殘殺。二命之犯。若將其子嗣永遠監禁。轉得安坐囹圄。尚不足以示儆。所有此案程光鋸之子。並前次四川省陳啟賢陳啟才子嗣。俱著發往黑龍江給兵丁為奴。以飭倫紀。而儆兇頑。嗣後似此情節殘忍者。俱照此酌覈辦理。○五十八年

諭。劉兆綸為劉乞胞叔。劉喻氏亦係同族姪婦。若因劉乞與劉喻氏通姦。劉兆綸聞知。前往斥責。以致被戕。

是劉兆綸竟屬無罪之人。即杖責亦不應問擬。今該犯已與劉喻氏相約。及至黃昏前往。先有劉乞在彼。遂捏稱捉姦。將劉乞毆打。是劉兆綸圖姦同族姪婦。行止有虧。而姦婦起釁。陷伊姪於立決。刑部遽照該撫所擬。定以杖責。不足蔽辜。劉兆綸雖係劉乞尊長。不至死罪。亦應問擬軍流等罪。方足示懲。著該部即另行定擬具奏。○嘉慶四年

諭

三法司衙門具題浙江省民人汪應鳳毆傷胞兄汪應隴身死並聲明救母情切一案。內閣票擬斬決及斬候雙籤請旨。固皆係按例辦理。今朕詳閱案情。汪

應隴因伊母袒護幼子。將應出養。瞻食穀。不給其母。並出言頂撞。經朱氏嚷罵扭結。汪應隴輒敢將其母推跌壓住。用手揪按胸衣。經汪應鳳往拉。仍不放手。汪應鳳見其母面脹氣塞。喊不出聲。情急用拳向毆。汪應隴移時殞命。是汪應隴之蔑倫肆逆。殊為兇橫可惡。汪應鳳往拉不放。見其母面脹氣塞。事在危急。用拳向毆。實屬出於迫切。以情急救母之人。斃忤逆不孝之犯。固不得以尋常毆死胞兄論。即改擬斬候。亦尚覺情節可憫。汪應鳳著免死。改為滿流。定地發配。且聞案內伊母朱氏尚有二子。亦不至侍養乏人。

如此準情酌辦庶足以昭平允而示矜恤。○五年直隸總督審題王仲貴聽從伊父王尚才主使毆傷胞兄王仲香身死一案。照例擬斬立決。夾籤聲明奉

旨。刑部題覆直隸省民人王仲貴毆傷胞兄王仲香身死一案。聲明倫紀攸關。將王仲貴依律擬斬立決。細閱本內情節。王仲香調戲伊弟妻張氏。欲圖強姦。已屬亂倫傷化。迨經伊父王尚才斥詈不服。將伊父揪倒欲毆。尤屬目無倫紀。及伊父王尚才忿極。喝令王仲貴毆打。王仲貴無奈。隨用石毆傷王仲香額顱殞

命。是王仲香淫兇殘忍。種種蔑倫。所犯應死之罪。不一而足。及王尚才喝令王仲貴毆打伊兄。復經王仲貴代為央求。尚有不忍致死其兄之心。因王尚才不允。王仲貴始用石毆傷致斃。迥非逞兇干犯。乃刑部照原題。於奉父命毆死蔑倫之兄者。仍依弟毆兄本律擬斬立決。並聲明倫紀攸關。措詞不當。殊失情理之平。且與維持風化之義未協。所有王仲貴一犯。著即改為杖一百流三千里。不必再交九卿覈議。嗣後遇有此等死者。自犯蔑倫之案。著刑部覈議奏明請旨。著為令。欽此。續經刑部將已未入秋審服制案內。

凡毆斃罪犯應死尊長之劉元書等五十一起。
開單進呈奉

旨。前因直隸民人王仲貴毆死蔑倫之兄王仲香。將王仲貴斬決改為杖流。並著刑部遇有此等情節相同之案。覈議辦理。茲刑部檢查案卷內有與王仲貴事同一例之已入秋審緩決情實劉元書等五十起。未入秋審應擬情實之令狐開保一起。開單進呈。奏請減等。此等服制命案。其死者實係忤親不孝。或淫亂蔑倫。罪犯應死。若以倫紀攸關。仍將該犯按律問擬。原不足以昭平允。但人心詐偽多端。儻干犯兄長之

人。因其兄本犯應死之罪。概予減等。或有父母愛憐少子。遇傷斃兄長之案。裝點情節。諉罪於已死之兄。以保全其逞兇之弟。亦不可不防其漸。自應分別辦理。俾無枉縱。所有劉元書一犯。因伊母被兄姊忤逆。氣忿自縊。劉元書痛母情切。致死逼斃伊母。罪犯應死之兄姊。且經緩決十一次。其易紹蘭。賴瑞。瓏林。大。翊。張潮。岳。自強。孟加。奇。冀國海。王爾景。黎南山。康珍。耿煊。宋登舉。韓治修。余名高。韓遇盛等。共十五犯。與王仲貴之案相同。亦經緩決八次至二次不等。俱著准其減等。其陳義等三十四起。及未入秋審之令狐。

開保一起。均著交刑部。俟秋審兩次免勾。改入緩決。二三次後。再行請旨減等。○十三年

諭。據汪志伊等奏。審明因姦致死胞兄人犯恭請王命

一摺。此案楊綱通姦親嫂。致斃兄命。按律本應凌遲。該督等審明後。止應照常請旨正法。何必即請王命。若謀殺期親尊長之犯。如此辦理。與行同梟獍者無所區別。況犯婦鄧氏。又請俟部議。辦理亦屬兩歧。現在楊綱一犯。既已凌遲處死。所有罪應絞決之鄧氏。亦毋庸再交部議。著即行處絞。嗣後凡遇有關倫紀等案。當按其服制分別覈辦。不得一律即請王命。以

示準情定法至意。○道光九年奉

旨。刑部議奏雲南巡撫伊里布具題恩樂縣民李迎燦毆傷胞兄李迎彩身死一案。查覈情節。該犯李迎燦與伊兄李迎彩口角爭辨。當伊兄撲毆之時。儘可脫身逃避。乃即奮拳毆打。迨後被揪被搭。該犯未受寸傷。輒敢疊肆毆踢。統計傷至九處之多。干犯情形顯然。案係互鬪。與實在被毆抵格適傷者不同。經該撫將李迎燦按律擬以斬決。仍援例夾籤聲請。於情罪殊未允協。應即照刑部所議更正。李迎燦著按律問擬斬立決。所有該撫聲明並非有心干犯之處。著毋

庸議。並著通諭各省督撫。嗣後卑幼毆傷期功尊長致死罪干斬決之案。除係救親情切。及毆死罪犯應死之尊長。仍俱照例夾籤聲請外。如尋常與尊長相毆致死之案。必係實在被毆情急。抵格適傷。情可矜憫者。方准聲明並非有心干犯字樣。若傷多且重。雖被尊長疊毆。抵格致斃。即係互鬪。按律擬以斬立決。庶於矜恤之中。不廢明刑弼教之義。○二十五年議覆。查例載卑幼刀傷期親尊長尊屬及外祖父母。如有心刀傷。依例問擬絞決。若訊非有心干犯。或係誤傷及情有可憫者。俱擬絞監候等語。

是卑幼致傷期親尊長。如係刃傷。均擬死罪。原以金刃為殺人之具。卑幼輒敢持以犯尊。故無論傷之輕重。或與折傷同科。至施放鳥槍竹銃致傷期親尊長。例無明文。從前各省辦理。有比照刃傷及折傷以上問擬死罪者。亦有拘泥傷非金刃。照火器傷人軍罪上加等問擬遣戍者。刑部亦因無治罪專條。以致辦理未能畫一。嗣後卑幼如因爭鬪。有心施放鳥槍竹銃致傷期親尊長尊屬及外祖父母。照刃傷例問擬絞決。若訊非有心干犯。或係誤傷及情有可憫者。即

擬絞監候。庶為允協。